

## 褐髮集

### 〈暮登億載金城〉四月七日，見古蹟盲目美化爲西式公園，忿。

赤月黃昏暮，藉色覽金城。安平久新曲，鯤鯨遠海平。砲老擊法日，鴉乖向人鳴。  
頹牆飾皮草，歐式今關情。抽磚秀樹植，斫蘆峻景清。死水囤厭味，石壕上花聲。  
世調徒纖美，壯懷豈輕呈。故國行跡沒，離去有哀兵。

### 〈憂傷〉

靈犀無半點，月來枝影奢。情中思更絕，世間眼如沙。零落心上事，和淚枕邊斜。  
新睡忽新寤，對鏡換生涯。夢猶已食夢，中有隨風花。

### 〈成句〉

體瘦多耕棄，文窮豈足徵。山寒春晦澀，花落雨憑仍。  
充物人成實，廢心口不能。大詩猶肯作，愛恨更欺凌。

### 〈情感〉

食客遇凶年，人衰壯樹前。青春繁似葉，心事響如蟬。  
再見晴將雨，重來斷怎連。平生輕聚散，想你淚風乾。

### 〈車過大樹停下淡水溪畔遠望大武山〉

下淡水溪奔，人沙世上渾。千遮緣一眼，日暮見山根。

### 〈寄車行〉

天雨駛向停車場，道旁百業盡滄茫。群樓相疊巔頂渺，中有空地幅員小。  
汽機對擠百三坪，內場老婦苛刻營。痴肥憨矮命知賤，豪嗓任真未曾倦。  
青眼白眼同索錢，細看右眇視不全。滂沱澆人雨中笠，鞋褲沾泥布臂溼。  
捲髮枯褐賣老時，損身辛苦又爲誰。顧我車中璧人歇，蝶轉風花玉肌骨。  
格調迷情費心猜，早棄歡情久贖財。悵然厭氣思我母，依稀還同寄車婦。

### 〈楚王〉四首

楚王相棄履跡時，冷眼回來不見誰。一向容顏多悴損，歡情又抵昨相思。

小臉無妝靜脈沉，楚王不共看花暗。臥蠶死厚中淤淚，何事搔頭只在心。

解情多被舊情欺，對鏡籌歡各自知。今夜楚王終厭雨，夢成已是醒來時。

旋消膚色有人看，吹洗朝朝褐髮乾。馬尾輕垂彈復起，楚弓想恨楚王難。

### 〈人病〉

敗體空懷艷性才，投符徐甲命重來。春寒不作消消語，我自吞心病眼開。

### 〈海水〉

海水貪多不自持，傷心迷路是天涯。千年種玉猶生璧，八月浮槎已失期。  
寂寞支床龜上死，相思吹芥掌中滋。春潮伴雨莊周醒，蝶與情人入夢遲。

### 〈雨水〉

曾經新沐髮難收，槁立非人眩孔丘。已溼障泥終喪馬，方生軌意即離鷗。  
煙雲過眼依林散，雨水穿枝落地休。繭破蠶傷緘口日，蝶蛾從此夢莊周。

### 〈紅毛港〉二首 三月往遊，所見人同海老，因是有作。

門樓相掩即相愁，水與人居共老羞。魚肆久懸乾轍鮒，任公難下巨縉鈎。  
織光起網塵間落，揉海生波世上流。小港闌珊春一段，倩風吹艦過洋洲。

舢舨停停看大船，漁家燈小水波前。樓房漸瓦多無住，鐵櫃成山久不眠。  
海角同心同此彼，人間共月共虧圓。汪洋未有浮萍處，誰負濤聲四十年。

按：四十年前高雄計畫擴港，紅毛港實施禁建，推行遷村，後因高雄港貨運吞吐量日漸減退，已無擴港必要，礙於禁建且遷村又施行不力，導致紅毛港近四十年的貧窮落後，卻幸運留下珍貴的文化遺產。